

北京大學國文選

北京大學國文選
上冊

大一及先修班適用

北京大學國文選上冊目次

第一組

詩（六篇）	一
氓	一
伐檀	二
蒹葭	二
東山	二
采薇	三
無羊	四
楚辭九歌	四
古詩（二首）	九
飲馬長城窟行	九
上山采蘼蕪	〇
辛延年羽林郎	〇
曹植贈白馬王彪	一
七哀詩	二
阮籍詠懷（八首）	二
陶潛歸園田居	四
飲酒（五首）	五

謝靈運登池上樓	一六
樂府西洲曲	一六
杜甫自京赴奉先縣詠懷	一七
喜遠行在所	一八
羌村	一八
洗兵行	一九
觀公孫大娘舞劍器行（並序）	二〇
詠懷古跡	二一

第二組

論語（選錄）	二三
左傳晉公子重耳之亡	三三
穀之戰	三五
靈之戰	三七
禮記檀弓（五則）	四〇
孟子知言養氣章	四二
牛山之木章	四五
老子（五章）	四六
莊子養生主	四七
胠篋	四八
韓非子說難	五一

戰國策魯仲連義不帝秦	五三
史記司馬穰苴列傳	五六
魏其武安侯列傳	五八
漢書李廣蘇建傳	六五
魏武帝驪縣自明本志令	七九
三國志諸葛亮傳	八一
世說新語(選錄)	八七
水經江水注(節錄)	九一
文心雕龍物色	九二
韓愈原毀	九四
答李翊書	九六
柳宗元永州山水小記	九七
資治通鑑肥水之戰	一〇四
蘇軾東坡題跋(選錄)	一〇八
明太祖中山徐武寧王神道碑	一一三
王國維人間詞話(選錄)	一一七

國文選目次

詩 氓（衛風）

氓之蚩蚩，抱布貿絲；匪來貿絲，來即我謀。送子涉淇，至于頓丘；匪我愆期，子無良媒；將子無怒，秋以爲期。

乘彼坳垣，以望復關；不見復關，泣涕漣漣；既見復關，載笑載言。爾卜爾筮，體無咎言；以爾車來，以我賄遷。

桑之未落，其葉沃若。于嗟鳩兮，無食桑葚！于嗟女兮，無與士耽！士之耽兮，猶可說也；女之耽兮，不可說也。

桑之落矣，其黃而隕。自我徂爾，三歲食貧。淇水湯湯，漸車帷裳；女也不爽，士貳其行；士也罔極，二三其德。

三歲爲婦，靡室勞矣；夙興夜寐，靡有朝矣；言既遂矣，至于暴矣；兄弟不知，咥其笑矣；靜言思之，躬自悼矣。

及爾偕老，老使我怨。淇則有岸，隰則有泮。總角之宴，言笑晏晏，信誓旦旦，不思其反。反是不思，亦已焉哉！

伐檀（魏風）

坎坎伐檀兮，寘之河之干兮。河水清且漣漪。「不稼不穡，胡取禾三百廛兮！不狩不獵，胡瞻爾庭有縣貆兮！彼君子兮，不素餐兮！」

坎坎伐輻兮，寘之河之側兮。河水清且直猗。「不稼不穡，胡取禾三百億兮！不狩不獵，胡瞻爾庭有縣特兮！彼君子兮，不素食兮！」

坎坎伐輪兮，寘之河之濔兮，河水清且淪漪。「不稼不穡，胡取禾三百困兮！不狩不獵，胡瞻爾庭有縣鵉兮！彼君子兮，不素飡兮！」

蒹葭（秦風）

蒹葭蒼蒼，白露爲霜。所謂伊人，在水一方。遡洄從之，道阻且長；遡游從之，宛在水中央。
蒹葭萋萋，白露未晞。所謂伊人，在水之湄。遡洄從之，道阻且躋；遡游從之，宛在水中央。
蒹葭采采，白露未已。所謂伊人，在水之涘。遡洄從之，道阻且右；遡游從之，宛在水中沚。

東山（豳風）

我徂東山，惓惓不歸；我來自東，零雨其濛。我東曰歸，我心西悲；制彼裳衣，勿士行枚。蜎蜎者蠋，烝在桑野；敦彼獨宿，亦在車下。

我徂東山，惓惓不歸；我來自東，零雨其濛。果臝之實，亦施于宇；伊威在室，蠨蛸在戶。町疃鹿場，熠燿宵行；不可畏也？伊可懷也。

我徂東山，惓惓不歸；我來自東，零雨其濛。鸛鳴于垤，婦嘆于室；洒掃穹窒，我征聿至。有敦瓜苦，烝在栗薪；自我不見，于今三年！

我徂東山，惓惓不歸；我來自東，零雨其濛。倉庚于飛，熠燿其羽；之子于歸，皇駸其馬。韉結其橈，九十其儀。其新孔嘉，其舊如之何！

采 薇（小雅）

采薇，采薇，薇亦作止；曰歸，曰歸，歲亦莫止。靡室，靡家，玁狁之故；不遑啓居，玁狁之故。

采薇，采薇，薇亦柔止；曰歸，曰歸，心亦憂止。憂心烈烈，載飢載渴；我戍未定，靡使歸聘。

采薇，采薇，薇亦剛止；曰歸，曰歸，歲亦陽止。王事靡盬，不遑啓處；憂心孔疚，我行不來。

彼爾維何？維常之華；彼路斯何？君子之車。戎車既駕，四牡業業；豈敢定居，一月三捷。

駕彼四牡，四牡騤騤；君子所依，小人所腓。四牡翼翼，象弭魚服；豈不日戒，玁狁孔棘。

昔我往矣，楊柳依依；今我來思，雨雪霏霏。行道遲遲，載渴載飢。我心傷悲，莫知我哀。

無 羊（小雅）

誰謂爾無羊？三百維羣。誰謂爾無牛？九十其犗。爾羊來思，其角濈濈。爾牛來思，其耳濕濕。或降于阿，或飲于池，或寢或訛。爾牧來思，何蓂何笠，或負其餼。三十維物，爾牲則具。爾牧來思，以薪以蒸，以雉以雄。爾羊來思，矜矜兢兢，不騫不崩。麾之以肱，畢來既升。牧人乃夢：衆維魚矣，旒維旗矣，大人占之：衆維魚矣，實維豐年。旒維旗矣，室家溱溱。

楚辭九歌

東皇太一

吉日兮辰良，穆將愉兮上皇。撫長劍兮玉珥，瑤鏘鳴兮琳琅。瑤席兮玉瑱，盍將把兮瓊芳。蕙肴蒸兮蘭藉，奠桂酒兮椒漿。楊枹兮拊鼓，疏緩節兮安歌，陳竽瑟兮浩倡。靈偃蹇兮姦服，芳菲菲兮滿堂。五音紛兮繁會，君欣欣兮樂康。

雲中君

浴蘭湯兮沐芳，華采衣兮若英。靈連蜷兮既留，爛昭昭兮未央。蹇將憺兮壽宮，與日月兮齊光。龍駕兮帝服，聊翱遊兮周章。靈皇皇兮既降，焱遠舉兮雲中。覽冀州兮有餘，橫四海兮焉窮。思夫君兮太息，極勞心兮憺憺。

湘君

君不行兮夷猶，蹇誰留兮中洲？美要眇兮又宜脩，沛吾乘兮桂舟。令沅湘兮無波，使江水兮安流！望夫君兮未來，吹參差兮誰思？駕飛龍兮北征，邇吾道兮洞庭。薜荔拍兮蘼綢，蓀橈兮蘭旌。望滢陽兮極浦，橫大江兮揚靈。揚靈兮未極，女嬋媛兮爲余太息。橫流涕兮潺湲，隱思君兮徘徊。桂櫂兮蘭枻，斂冰兮積雪。采薜荔兮水中，搴芙蓉兮木末。心不同兮媒勞，恩不甚兮輕絕。石瀨兮淺淺，飛龍兮翩翩。交不忠兮怨長，期不信兮告余以不閒。朝騁鸞兮江皋，夕弭節兮北渚。鳥次兮屋上，水周兮堂下。捐余玦兮江中，遺余佩兮澧浦。采芳洲兮杜若，將以遺兮下女。時不可兮再得，聊逍遙兮容與。

湘夫人

帝子降兮北渚，目眇眇兮愁予。嫋嫋兮秋風，洞庭波兮木葉下。登白蘋兮騁望，與佳期兮夕張。鳥何萃兮蘋中？曷何爲兮木上？沅有芷兮澧有蘭，思公子兮未敢言。荒忽兮遠望，觀流水兮潺湲。麋何食兮庭中？蛟何爲兮水裔？朝馳余馬兮江皋，夕濟兮西澨。聞佳人兮召予，將騰駕兮偕逝。築室兮水中，葺之兮荷蓋。蓀壁兮紫壇，剝芳椒兮成堂。桂棟兮蘭橈，辛夷楣兮葳蕤。擗蕙櫨兮旣張，白玉兮爲鎮，疏石蘭兮爲芳。芷葺兮荷屋，諶之兮杜衡。合百草兮實庭，建芳馨兮廡門。九嶷嶺兮並迎，靈之來兮如雲。捐余袂兮江中，遺余櫝兮澧浦。寧汀洲兮杜若，將以遺兮遠者。時不可兮驟得，聊逍遙兮容與。

大司命

廣開兮天門，紛吾乘兮玄雲。令飈風兮先驅，使涷雨兮灑塵。君迴翔兮以下，踰空桑兮從女。紛總總兮九州，何熹天之予！高飛兮安翔，乘清風兮御陰陽。吾與君兮齊速，導帝之兮九坑。靈衣兮被被

，玉佩兮陸離。壹陰兮壹陽，衆莫知兮余所爲。折疏麻兮瑤華，將以遺兮離居。老冉冉兮旣極，不寢近兮愈疏。乘龍兮鱗鱗，高馳兮冲天。結桂枝兮延竚，羌愈思兮愁人。愁人兮奈何，願若今兮無虧。固人命兮有當，孰離合兮可爲。

少司命

秋蘭兮麝蕪，羅生兮堂下。綠葉兮素枝，芳菲菲兮襲予。夫人自有兮美子，蓀獨宜兮爲民正。青青，綠葉兮紫莖。滿堂兮美人，忽獨與余兮目成。入不言兮出不辭，乘回風兮載雲旗。悲莫悲兮生別離，樂莫樂兮新相知。荷衣兮蕙帶，儵而來兮忽而逝。夕宿兮帝郊，君誰須兮雲之際？與女遊兮九河，衝風起兮水揚波。與女沐兮咸池，晞女髮兮陽之阿。望美人兮未來，臨風愴兮浩歌！孔蓋兮翠旌，登九天兮撫彗星。竦長劍兮擁幼艾，蓀獨宜兮爲民正。

東君

暾將出兮東方，照吾檻兮扶桑。撫余馬兮安驅，夜皎皎兮既明。駕龍輶兮乘雷，載雲旗兮委蛇。長太息兮將上，心低徊兮顧懷。羌聲色兮娛人，觀者憖兮忘歸。絙瑟兮交鼓，簫鐘兮瑤篴。鳴籥兮吹竽，

思靈保兮賢姱。翺飛兮翠曾，展詩兮會舞。應律兮合節，靈之來兮蔽日。青雲衣兮白霓裳，舉長矢兮射天狼。操余弧兮反淪降，援北斗兮酌桂漿。撰余轡兮高馳翔，杳冥冥兮以東行。

河 伯

與女遊兮九河，衝風起兮橫波。乘水車兮荷蓋，駕兩龍兮騶螭。登崑崙兮四望，心飛揚兮浩蕩。日將暮兮悵忘歸，惟極浦兮寤懷。魚鱗屋兮龍堂，紫貝闕兮朱宮。靈何爲兮水中？乘白鼉兮逐文魚，與女遊兮河之渚，流澌紛兮將來下。子交手兮東行，送美人兮南浦。波滔滔兮來迎，魚鱗鱗兮騰予。

山 鬼

若有人兮山之阿，被薜荔兮帶女蘿。既含睇兮又宜笑，子慕予兮善窈窕。乘赤豹兮從文狸，辛夷車兮結桂旗。被石蘭兮帶杜衡，折芳華兮遺所思。余處幽篁兮終不見天，路險難兮獨後來。表獨立兮山之巔，雲容容兮而在下。杳冥冥兮羌晝晦，東風颺兮神靈雨。留靈脩兮憺忘歸，歲既晏兮孰華予！采三秀兮於山間，石磊磊兮葛蔓蔓。怨公子兮悵忘歸，君思我兮不得閒。山中人兮芳杜若，飲石泉兮蔭松柏。君思我兮然疑作。竄墳墳兮雨冥冥，援啾啾兮猿夜鳴。風颯颯兮木蕭蕭，思公子兮徒離憂。

國 殤

操吳戈兮被犀甲，車錯轂兮短兵接。旌蔽日兮敵若雲，矢交墜兮士爭先。凌余陣兮躐余行，左騶殫兮右刃傷。霾兩輪兮繫四馬，援玉抱兮擊鳴鼓。天時墜兮威靈怒，嚴殺盡兮棄原壘。出不入兮往不反，平原忽兮路超遠。帶長劍兮挾秦弓，首身離兮心不懲。誠既勇兮又以武，終剛強兮不可凌。身既死兮神以靈，子魂魄兮爲鬼雄！

禮 魂

成禮兮會鼓，傳芭兮代舞，姱女倡兮容與。春蘭兮秋菊，長無絕兮終古！

古 詩（二首）

飲馬長城窟行

國殤 禮魂 古詩飲馬長城窟行

青青河邊草，縣縣思遠道。遠道不可思，夙昔夢見之；夢見在我傍，忽覺在他鄉；他鄉各異縣，展轉不可見。枯桑知天風，海水知天寒；入門各自媚，誰肯相爲言！客從遠方來，遣我雙鯉魚；呼兒烹鯉魚，中有尺素書。長跪讀素書，書中竟何如？上有加餐食，下有長相憶。

上山採藤蕪

上山採藤蕪，下山逢故夫，長跪問故夫：「新人復何如」？

「新人雖言好，未若故人姝；顏色類相似，手爪不相如。新人從門入，故人從閣去。新人工織縑，故人工織素；織縑日一匹，織素五丈餘；將縑來比素，新人不如故。」

辛延年羽林郎

昔有霍家奴，姓馮名子都，依倚將軍勢，調笑酒家胡。

胡姬年十五，春日獨當壚。長裾連理帶，廣袖合歡襦，頭上藍田玉，耳後大秦珠。兩鬟何窈窕，一世良所無，一簪五百萬，兩鬟千萬餘。

「不意金吾子，娉婷過我廬，銀鞍何煜爚，翠蓋空踟躕。就我求清酒，絲繩提玉壺；就我求珍肴，金盤鱸鯉魚。貽我青銅鏡，結我紅羅裾。不惜紅羅裂，何論輕賤軀？男兒愛後婦，女子重前夫；人生有新故，貴賤不相踰。——多謝金吾子，私愛徒區區。」

曹植贈白馬王彪

謁帝承明廬，逝將歸舊疆；清晨發皇邑，日夕過首陽。伊洛廣且深，欲濟川無梁；汎舟越洪濤，怨彼東路長。顧瞻戀城闕，引領情內傷。

太谷何寥廓，山樹鬱蒼蒼。霖雨泥我塗，流潦浩縱橫；中逵絕無軌，改轍登高岡。修坂造雲日，我馬玄以黃。

玄黃猶能進，我思鬱以紆；鬱紆將何念？親愛在離居。本圖相與偕，中更不克俱。鷗鳥鳴衡輅，豺狼當路衢；蒼蠅閒白黑，讒巧令親疏。欲還絕無蹊，攬轡止踟躕。

踟躕亦何留？相思無終極。秋風發微涼，寒蟬鳴我側；原野何蕭條，白日忽西匿。歸鳥赴喬林，翩翻厲羽翼；孤獸走索羣，銜草不遑食；感物傷我懷，撫心長太息！

太息將何爲？天命與我違。奈何念同生，一往形不歸！孤魂翔故域，靈柩寄京師；存者忽復過，亡